

MIK - MIK - MIK...

(SON AR MILINER)

Eur vilin goz ez-eus, du-hont barz an draonienn; (2 wech)
Ar miliner he dalh zo kaer e vleo melen...

DISKAN

Ha mik-mik-mik,
Ha mak-mak-mak,
Ha oein-oein-oein,
Peb unan d'e dro,
Maluret!
Hag ar vilin a dro... (2 wech)

Ar miliner he dalh zo kaer e vleo melen : (2 wech)
An oll merhed tro-dro a ya da gas o greun.

Oll merhed tro-war-dro a ya da Vill-ar-Yun, —
Med ar muia karet a zo Soaz Penn-ar-Run.

Med ar muia karet a zo Soazig ar Born;
Heñ a grogas 'n he dorn, he zachas en eur horn.

Heñ a grogas 'n he dorn, he zachas en eur horn;
Ouz safron ar vilin e kouskas Soaz ar Born.

Kousket reas Soazig ouz safron ar vilin,
Pa zihunas ar plah, oa deuet ar mintin...

— Petra laro va mamm, pa zistroin d'ar gêr,
P'am-mo kousket eun noz e ti eur miliner?

— Petra vo laret deoh, peogwir me, Matilin,
E ouzon va micher ha pa dro ar vilin...

(Kanaouenn euz Bro-Wened.)

Mari Gollet, pe Son Mari Vastrouill

War don ar ganaouenn saoz : « Clementine ».

1
Me zo 'paouez koll va mestrez,
Eet eo kuit euz ti he zad!
Larit din m'ho-peus he gwelet
Ma he havin-me timad...

DISKAN

Keuz em-eus da Vari Vastrouill,
Keuz em-eus da Vari gêz!
P'leh an diaoul he havin bremañ?...
Kollet 'm-eus va Mari gêz!

2
Mari Vastrouill a zo luehez,
Eur fri tougn zo ganti hoaz,
Lagad pikouez, pikou panex,
Ha me oar-me petra hoaz!...

3
Kalz re hir e oa he lostenn,
Ha lare an teodou fall...
'Ran ket forz euz pezh a laront:
Mari Vastrouill dalv eun all!

4
Kreñ eo Mari 'vel eur gazeg
Hag a fring e-krêiz ar prad...
Spontet vefeh ha pa welfeh
Pegen hir eo he daoudroad...

5
C'hwez al ludu zo gand Mari:
Na 'vid-se n'eus ket he far,
D'ober krampouez gand bleud malet,
Lêz ar zaout ha viou yar!

6
Me a varvo ma n'he havan!
Va halonad zo leun-barr!
Klaskit Mari va zud karet,
Kement hini zo din kar!

"Mouez